



Jis páárnáš uázžu kuldâlid jiánusân luhhum mainâsijd merikoskâsávt, te...

1. páárnáš luáttá olssis eenâb já lii vuoigâlub skippáár iärásáid
2. párnáast láá eenâb säänih main kuvviđ vuáttámušáidis
3. perruujesâneh savâsteleh maangâpiälásubboht
4. páárnáš piergee pyerebeht škoovlâst
5. párnáá vuolgâsajeh elimân puárâneh.

Vaanhim uápis:

Párnázân luuhâm merhâšume

Povdiittâs kirjeráájun!

Kirjerááju áámmátliih išedeh mielâstis kavnáđ hiävulii luhâmuš. Tun puávtáh kojjädiđ sist avžuuttâsáid, et magareh kirjeh suápih jieškode-uv ahasijd párnáid teikkâ lohtâseh monni tiätu fáádán.

Kirjeh puohháid umogáast äijihân

Kirjeráájust láá kirjeh puohahasij várás. Umogái já váhá puárâsub párnái várás láá keččâmkirjeh, main láá assaas siijđoh já čielgâ koveh. Láá umogâškukkâseh já kuhâskirjeh, laavlâkirjeh, kovekirjeh já satuh. Maangah kirjeh meid mainâsteh argâpiäiválijn aášijn, nuuvt ko uáđimist, peivikiäjust, tuáhtárân monâmist, jieškuudjin-uvlágán tobdoin já perruid lohtâšuvvee nubástusâin. Celia jienâkirječuágálduvâst lii luhâmuš puohahasij várás. Mušte, et jienâkiirjijd puáhtá luuhâđ meid oovtâst párnáin.

Tuu aldakirjeráájust sáttá lede sierânâs ohjelm umogái já uccpárnái várás. Kojjäđ jieijäđ kirjeráájust, et uárneje-uv sij umogâškuhâspuudâid, satupuudâid, timmâellei iijâid tai eres ohjelm párnái várás.



Jyehi párnáá vuoigâdvuotâ lii uázžuđ luuhâđ kiirjijd jieijâs aargâ tehálijd kieláid.




Sämikielâlâš kirjerááju

Sämikielâlâš kirjerááju (Suomâ sämmilâš sierânâskirjerááju) Ruávinjaargâst lii puohháid áávus. Čuágáldâh lii ohtâ Tave-enâmiij vijdâsumosijn. Tot ana sistees kirjálâšvuotâ, muusik, elleekuuvijđ já äigipajeloostâid. Vâldiuási amnâstuvâst lii tavesämikielân, anarâškielân já nuorttâlâškielân. Čuágáldâhân kuleh ton lasseen lostâčuápus-, kárttâ-, poster- já härvinâškirječuágálduvah. Meid sämikuávu kirjeráájuin láá sämičuágálduvah. Amnâstâh lii uuccâmnáál Laapi kirjerááju Finnaast (lapinkirjasto.finna.fi) já luoihâtemnáál amnâstâh toimâttuvvoo Suomâ eres kirjeráájoid. Meid Suomâ eres aldakirjeráájuin lii finnimnáál sämikielâlâš kirjálâšvuotâ.

TIERVÄPUÁTTIM UÁPÁSMUĐ JIEIJÄĐ ALDAKIRJERÁÁJUN!

Kirje suápá puohahasijd



Eskin šoddâm umogâš lii tarkkuuvâš kuldâleijee

Aldaaš ulmui uápis jienah, toi mulsâšuddee riitmah já sárnumvyehi piemmih jo párnáá kielâfiätu. Riges eenikielâ lii pyeremus skenkkâ, mon vanhimeh pyehtih jieijâs párnážân adelid.

Ihepiälásâš páárnáš moovtâsk kirjeest vistig tego sierâst

Páárnáš suvná, smákkee já fášku kirje. Sun lii moovtâ kartonkist rahtum vuosâkirje čielgâ faardâin já kirkis iivnijn. Piäiváliih tipšomtoomah láá älkkeebeh kukkâsijguin.

1-ihásâš páárnáš räähist piäiválijd luuhâmpuudâid

Riimih, riitmah já vildáás kukkâseh láá tolmišis raavâdamnâseh párnáá ovdâneijee vuoiñâšáid já sárnum ovdánmân. Uánihs luuhâmpuddâ tâi navertihtâ muásud párnáá ovdil nohádem.

2–3-ihásâš páárnáš tuáppee uddâ saanijd

Luuhâmpuudâin šaddeh vuáruvaigutteijeeh, ko rävisolmooš koiñâdâl párnáást, et mii kirje kuvijn uáinoo já tábáhtuvá. Ko vuájudâttâmnahečâ lassaán, te puáhtá sirdud keččâmkiirjijn kovekirjijd.

4–5-ihásâš páárnáš uáppá mainâsijn eellim oonâid

Mainâsij maailmist uázžu poollâđ torvolávt já mieldieellid maangâlágán tobdoid. Tiivtah já kukkâseh hokátteleh párnáá sierâdállâđ kieláin meid jieš.

6-ihásâš páárnáš kirdá jo mielâkuvviittâs suájáiguin

Páárnáš višá kuldâlid kuhheeb-uv mainâs já savâstâlmeh oovtâst luhhum mainâsijn láá vuovâs puudah meid rävisulmui.

7-ihásâš páárnáš váldá pustavijđ já kiirjijđ haaldun

Páárnáš moovtâsk pustavijn já haaliđ jo jieš-uv luuhâđ. Luuhâm oppâm lii juhle árvusâš táidu. Rävisulmuu já párnáá luuhâmpuudah láá liijká párnážân teháliih vala kuhháá.



Kuássin ij lah liijkás aarrâd tâi mañjeed luvâškyettid párnážân!



Savâstellee párnáin, et mii kuvijn lii, mii kirjeest tábáhtui já maid páárnáš arvâlij mainâsist.



Eehidmaainâs puáhtá leđe šiev vyehi išediđ párnáá rávhuduđ ovdil uáđđám.

Maangâkielâlâš luuhâmtáidu lii skenkkâ

Páárnáš hiätá tast, et sunjin lohoo jiänušan puoh aargâ kieláid. Ko vaanhim lohâ párnážân jieijâs kielân, te párnáá já vaanhim ohtâvuotâ nanosmuvá já párnáá sänirááju lassaán. Päikki já arâšoddâdemtoimâ aneh huolâ párnáá maangâkielâlii luuhâmtáidust oovtâst. Koiñâd arâšoddâdemtoomâst, et maht párnáá luuhâm jieijâs päikkikieláid já oppâmnáál kielân puáhtá tuárjuđ päihist.